



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1145/10
Sarajevo, 19.8.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 19-08-2010			
Organizaciona jedinica	Klasifikaciona oznaka	Radni broj	Broj priloga
01	50-1-15-73	10	

PARLAMENTARNA SKUPŠTINA BIH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 130. sjednici održanoj 19.8.2010. godine, utvrdilo je Odgovor na zastupničko pitanje koji je postavio gosp. Šefik Džaferović, zastupnik u Zastupničkom domu Parlamentarne skupštine Bosne i Hercegovine.

U pravitku dostavljamo Odgovor uz molbu da isti uručite zastupniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1145/10
Sarajevo, 19.8.2010. godine

ŠEFIK DŽAFEROVIĆ, poslanik u Predstavničkom domu Parlamentarne skupštine Bosne i Hercegovine, na 79 sjednici Predstavničkog doma Parlamentarne skupštine BiH održanoj 16. juna 2010. godine, u okviru komentara na odgovore na poslanička pitanja uputio je Vijeću ministara BiH sljedeće poslaničko pitanje:

„Početkom ove godine na teritoriji Bosne i Hercegovine, na području općine Bijeljina postavljena su zvanična obilježja Republike Srbije, zvanični natpis općine Bogatić. Interesuje me ko je to uradio i na osnovu čega? Šta su uradili organi BiH da se ti natpisi uklone? Posebno šta je uradila Granična policija BiH, Ministarstvo vanjskih poslova BiH i MUP RS? Kakve su bile reakcije općinskih organa općine Bijeljina?“

Na postavljeno pitanje, Vijeće ministara Bosne i Hercegovine je na 130. sjednici održanoj 19. 8. 2010. godine, utvrdilo sljedeći

ODGOVOR

Ministarstvo sigurnosti BiH postupajući po ranijem dopisu Generalnog sekretarijata Vijeća ministara broj 05-50-1-1145/10 od 14.04.2010. godine, shodno svojoj nadležnosti, a u cilju sveobuhvatnog odgovora na postavljeno poslaničko pitanje (istog sadržaja), je uputilo zahtjev za odgovor – **Graničnoj policiji BiH, MUP-u Republike Srpske i Upravi za indirektno oporezivanje BiH.**

Granična policija BiH je uputila sljedeći odgovor, koji u cijelosti prenosimo:

Vezano za postavljeno pitanje Granična policija Bosne i Hercegovine je preduzela mjere i radnje u skladu sa Pravilnikom o postupku utvrđivanja i rješavanja graničnog incidenta i drugih povreda državne granice („Službeni glasnik BiH“, broj 6/10).

Postupkom utvrđivanja graničnog incidenta nadležna Jedinica Granične policije BiH izašla je na lice mjesta, lokacija pored magistralnog puta Bijeljina – Badovinci Republika Srbija, u neposrednoj blizini Međunarodnog graničnog prijelaza Pavlovića most, oko 800 metara u unutrašnjosti Bosne i Hercegovine u odnosu MGP Pavlovića most.

Na licu mjesta zatečena su postavljena obilježja Republike Srbije i to znak pravougaonog oblika, veličine oko 2,5 x 2 metra, žute boje sa iscrtanim amblerom općine Bogatić na sredini, s natpisom u podnožju znaka „dobro došli“, ispisano crnim ćirilničnim pismom i engleskim alfabetom, te jarbol visine 4 do 5 metara sa zastavom R. Srbije

Postavljanje zvaničnih obilježja R. Srbije je izvršeno od strane državljana R. Srbije Živana Jakšića, koji je vlasnik šljunkare „Srpska sloga“ Badovinci i Milana

Delića, sekretara Mjesne zajednice Badovinci. Ovo je urađeno na osnovu Rješenja MZ Badovinci broj 04-18/ 2010. od 26.02.2010.godine.

U skladu sa Pravilnikom o navedenom incidentu informiran je nadležni organ aktom broj: 18-04-1-04-9-627/10 od 23.03.2010. godine. Takođe, nadležna jedinica Granične policije BiH, obavijestila je Javno preduzeće „Putevi Republike Srpske“, čija je nadležnost sankcioniranje pomenutog incidenta, koji su nakon toga izašli na lice mjesta, sačinili zapisnik i fotografirali navedene lokacije i postavljene objekte.

U cilju rješavanja ove situacije od Javnog preduzeća „Putevi Republike Srpske“ i Uprave za inspeksijske poslove Republike Srpske, zatraženo je hitno preduzimanje mjera i radnji na utvrđivanju odgovornosti, sankcioniranju počinitelaca, kao i na saniranju i uklanjanju posljedica počinjenih incidentom. Obzirom da se navedene institucije nisu oglašavale po upućenom aktu, niti su obilježja R. Srbije uklonjena, nadležna jedinica Granične policije BiH je uputila urgenciju i zatražila izjašnjenje po ovom pitanju.

MUP Republike Srpske je dostavio sljedeći odgovor:

Ministarstvo unutrašnjih poslova Republike Srpske je utvrdilo da se u mjestu Popovi općina Bijeljina nalazi tabla na kojoj piše SO Bogatić, a koja je na navedenoj lokaciji postavljena oko dvadeset godina ranije. Katastarski teritorija na kojoj je tabla postavljena, pripada općini Bogatić – R. Srbija, a posljedica je promjena toka rijeke Drine.

Prije dva mjeseca pripadnici Policije RS su evidentirali da je na dijelu magistralnog puta Bijeljina – GP Pavlovića most, postavljena tabla sa istim natpisom SO Bogatić pored koje je postavljen i jarbol Republike Srbije. Teritorija na kojoj su postavljena navedena obilježja također katastarski pripadaju općini Bogatić, a građani nastanjeni u navedenoj općini sva prava ostvaruju u R. Srbiji.

Zbog nedefiniranog razgraničenja na ovom području, MUP RS i Granična policija BiH imaju problem oko preduzimanja službenih radnji prilikom rješavanja krivičnih djela i prekršaja, odnosno pitanje stvarne nadležnosti koja je nedefinirana i može se osporavati na sudovima u BiH i R.Srbiji.

Uprava za indirektno oporezivanje BiH je dala sljedeći odgovor:

Uprava za indirektno oporezivanje (UIO), je uspostavljena na osnovu Zakona o sistemu indirektnog oporezivanja u Bosni i Hercegovini i s obzirom na zakonom utvrđenu nadležnost, Uprava nije mjerodavna za postupanje u oblasti koja je predmet poslaničkog pitanja, niti se može izjašnjavati u smislu davanja odgovora na isto.

Obzirom na gore navedeno, Ministarstvo sigurnosti BiH je vezano za pitanje poslanika Šefika Džaferovića izvršilo svoj zadatak, odnosno dobijene odgovore je uputilo Vijeću ministara 17.05.2010.godine, te dopunu odgovora koja je stigla naknadno (od MUP-a RS) 16.06.2010.godine.

U okviru komentara na dobijene odgovore poslanik Šefik Džaferović je izrazio nezadovoljstvo odgovorom i akcijom državnih organa po ovom pitanju, te traži hitnu akciju države BiH. Zahtjeva da Vijeće ministara BiH ovo pitanje stavi na dnevni red sjednice, te da se Parlamentarnoj skupštini BiH dostavi informacija o ovom graničnom incidentu na štetu države Bosne i Hercegovine.

Odgovor na ovo pitanje je dužno dostaviti i Ministarstvo vanjskih poslova BiH, koje je nadležno za rješavanje graničnog incidenta i drugih povreda državne granice.